

Na osnovu člana 16. stav 4. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, broj: 7/10) na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona na 45. sjednici, održanoj dana 26.02.2016. godine, d o n o s i

Z A K L J U Č A K

I.

Daje se saglasnost Nurdehanu Šahinoviću, ministru Ministarstva za rad, socijalnu politiku i izbjeglice, da u ime Vlade Zeničko-dobojskog kantona pristupi potpisivanju Ugovora o pružanju usluga u JU Dom porodica Zenica.

II.

Za realizaciju ovog zaključka zdužuje se Ministarstvo za rad, socijalnu politiku i izbjeglice.

III.

Zaključak stupa na snagu danom donošenja.

Broj: 02-_____/16.
Datum, 26.02.2016. godine
Zenica

PREMIJER

Miralem Galijašević

DOSTAVLJENO:

1x Ministarstvo za rad, socijalnu politiku i izbjeglice,
1x Imenovani,
1x JU Dom porodica Zenica, putem ministarstva,
1x a/a.

Na osnovu člana 55. stav (1) i člana 57. Zakona o socijalnoj zaštiti, zaštiti civilnih žrtava rata i zaštiti porodice sa djecom („Službene novine Zeničko-dobojskog kantona“, broj: 13/07, 13/11 i 03/15) zaključuje se

UGOVOR o pružanju usluga u JU Dom porodica Zenica

Potpisan dana _____. 2016. godine između

- (1) Zeničko-dobojskog kantona - Ministarstva za rad, socijalnu politiku i izbjeglice sa sjedištem u Zenici, u ulici Kučukovići broj 2, koje po ovlaštenju Vlade Zeničko-dobojskog kantona zastupa Nurđehan Šahinović, ministar (u daljem tekstu – Kanton),
- (2) Grada Zenice kojeg zastupa gradonačelnik Husejin Smajlović (u daljem tekstu- Osnivač) i
- (3) Javne ustanove “Dom-porodica“ Zenica, sa sjedištem u Zenici, u ulici Crkvice br. 20C, (u daljem tekstu: Dom porodica) koju zastupa direktor Branko Dilber.

Član 1.

Predmet ovoga Ugovora je uređivanje međusobnih prava i obaveza ugovornih strana kroz definisanje usluga koje je potrebno pružiti s ciljem zbrinjavanja, vaspitanja i obrazovanja djece bez roditeljskog staranja sa područja Zeničko-dobojskog kantona, što je kao djelatnost od posebnog društvenog interesa.

Odredbe ovog ugovora su u skladu sa usvojenim dokumentom od strane Vlade Zeničko-dobojskog kantona Prijedlog mjera za provedbu Politike zaštite djece bez roditeljskog staranja i porodica pod rizikom od razdvajanja u Federaciji BiH (2006.-2016.) na području Zeničko-dobojskog kantona za period 2014.- 2016.godine, Zaključkom broj:02-35-15008/14 od 25.07.2014.godine.

Član 2.

Ugovorne strane su saglasne da se pod uslugama iz člana 1. ovog Ugovora podrazumjevaju slijedeće usluge:

- usluge zbrinjavanja djece bez roditeljskog staranja,
- usluge zbrinjavanja za djecu i omladinu sa smetnjama u razvoju i djecu čiji je razvoj ometen porodičnim prilikama,
- privremeno stanovanje uz podršku korisnicima koje imaju privremene, poteškoće u porodici, odnosno nesuglasice članova porodice,
- usluge prihvatišta za majku i dijete,
- usluge prihvatne stanice za djecu sa društveno negativnim ponašanjem,
- usluge Malog porodičnog doma,
- usluge stanovanja u zajednici uz podršku za mlade koji odlaze iz sistema društvene brige.

Član 3.

Ugovorne strane su saglasne da se usluge koje će pružiti Dom porodica financiraju kako slijedi :

a) Kanton financira :

- usluge zbrinjavanja za djecu bez roditeljskog staranja,
- usluge zbrinjavanja za djecu i omladinu sa smetnjama u razvoju i djecu čiji je razvoj ometen porodičnim prilikama,
- usluge prihvatišta za majku i dijete,
- privremeno stanovanje uz podršku korisnicima koji imaju privremene poteškoće u porodici, odnosno nesuglasice članova porodice.

b) Osnivač financira:

- usluge prihvatne stanice za djecu sa društveno negativnim ponašanjem;
- usluge Malog porodičnog doma.

c) Kanton i Osnivač zajednički financiraju:

- usluge stanovanja u zajednici uz podršku za mlade koji odlaze iz sistema društvene brige.

Član 4.

U skladu sa pozitivnim zakonskim i podzakonskim propisima koji propisuju standarde za rad i pružanje usluga i djelatnosti socijalne zaštite pod uslugama iz člana 2. podrazumjevaju se usluge kako slijedi:

1. usluge zbrinjavanja za djecu bez roditeljskog staranja su usluge socijalnog zbrinjavanja, odgoja, obrazovanja i zdravstvene zaštite djece,
2. usluge zbrinjavanja za djecu i omladinu sa smetnjama u razvoju su usluge od ukupnog značaja za zbrinjavanje djece sa posebnim potrebama u smislu podsticanja, socijalizacije i samozastupanja uz mogućnost uključivanja roditelja u navedene aktivnosti,
3. privremeno stanovanje uz podršku su usluge korisnicima koje imaju privremene poteškoće u porodici, odnosno nesuglasice članova porodice, nasilje, smrtni slučaj ili drugi problemi koje uzrokuju potrebu štíćenika za privremenim odsustvom od kuće,
4. usluge prihvatišta za majku i dijete su usluge za samohrane nezaposlene trudnice i samohrane nezaposlene majke koje nemaju sredstva za izdržavanje ili su bez rješenog stambenog pitanja ili im je zbog poremećenih porodičnih odnosa potreban privremeni smještaj do starosti djeteta od godinu dana,
5. usluge prihvatne stanice za djecu sa društveno negativnim ponašanjem su usluge kratkotrajnog prihvata djece koja se odaju skitnji, prosjačenju i drugim oblicima društveno negativnog ponašanja, zbog čega im se obezbjeđuje kratkotrajni smještaj, ishrana, zdravstveno-higijenske mjere i nadzor dok se ne steknu uslovi za povratak u porodicu,
6. usluge Malog porodičnog doma su usluge servisa kroz podršku stanovanju u zajednici,
7. usluga stanovanja u zajednici uz podršku za mlade koji odlaze iz sistema društvene brige podrazumjeva osiguranje potpore za samostalan život mladeži koja napušta sistem javne brige.

Član 5.

Finansiranje usluga Dom porodica vršit će se iz udruženih finansijskih sredstava Kantona i Osnivača, tako da će se iz Budžeta Zeničko-dobojskog kantona sa pozicije - rashodi Ministarstva za rad, socijalnu politiku i izbjeglice, finansirati vršenje usluga iz člana 3. ovog ugovora pod a) u cjelosti i pod c) sufinansirati.

Usluge iz člana 3. pod b) obuhvatit će se Budžetom Grada Zenice kao Osnivača.

Član 6.

- (1) Usluge zbrinjavanja djece bez roditeljskog staranja, zbrinjavanja djece i omladine sa smetnjama u razvoju i djece čiji je razvoj ometen porodičnim prilikama, usluge prihvatilišta za majku i dijete i usluge privremenog stanovanje uz podršku korisnicima koje imaju privremene poteškoće u porodici, odnosno nesuglasice članova porodice, Kanton će plaćati mjesečno, na osnovu ispostavljenih mjesečnih specifikacija Ustanove, u roku od 15 dana od dana prijema iste.
Vodeći računa da se realiziraju ciljevi u prethodnom periodu zajednički postavljeni i dokumentovani od strane ugovornih strana, usluge Doma porodica će biti specificirane na osnovu godišnjeg finansijskog plana ove ustanove i za Kanton iznose na mjesečnom nivou 68.000,00KM.
- (2) Za usluge iz člana 4. tačke 1. 2. 3. i 4. osnov obračuna usluga je rješenje o smještaju korisnika centara za socijalni rad/službi za socijalnu zaštitu i potvrda o dolasku korisnika. Ustanova se obavezuje da će postupati u skladu sa potpisanim Protokolom broj: 09-35-21055-1-1/14 od 10.12.2015. godine.
- (3) Usluga prihvatne stanice za djecu sa društveno negativnim ponašanjem i usluge u Malom porodičnom domu finansirat će Osnivač na godišnjem nivou u iznosu od 240.000,00KM.
- (4) Cijena usluge stanovanja u zajednici uz podršku za mlade koji odlaze iz sistema društvene brige će se odrediti dogovorno Aneksom ovog ugovora sa općinom prebivališta mlade osobe.

Član 7.

Strane su saglasne da će po isteku perioda od godinu dana po zaključivanju ovog Ugovora zajednički preispitati efikasnost pružanja i plaćanja usluga na ugovoreni način, te da će u slučaju značajnih odstupanja od odredaba ovog Ugovora pismenim sporazumom i dogovorom ponovo urediti međusobne odnose.

Član 8.

Dom-porodica se obavezuje da Kantonu šestomjesečno podnosi narativni i finasijski izvještaj.

Dom-porodica se obavezuje da Kantonu i Osnivaču podnosi godišnji izvještaj o radu i finasijski izvještaj o poslovanju sa izvještajem revizora.

Ugovorne strane su saglasne da Kanton i Osnivač u roku od 30 dana od dana stupanja na snagu ovoga ugovora svojim pisanim aktom odrede formu i ključne elemente obrazaca izvještaja iz ovoga člana.

Član 9.

Ugovorne strane su saglasne da će doznaku sredstava Kanton i Osnivač vršiti Domu porodica prema mjesečnom trebovanju sredstava, a u okviru preduzetih obaveza prema ovom Ugovoru, na račun Doma porodica, Broj: 134010000001011 otvoren kod Investiciono-komercijalne banke Zenica.

Član 10.

Sve eventualne sporove ugovorne strane će rješavati dogovorom, a ukoliko to ne bude moguće nadležan je Općinski sud u Zenici.

Član 11.

Ovaj ugovor je sačinjen u šest (6) istovjetnih primjeraka, od kojih po dva (2) zadržava svaka ugovorna strana.

Ugovor stupa na snagu danom potpisivanja.

Član 12.

Danom potpisivanja ovog ugovora prestaju da važe:

1. Ugovor o uslovima smještaja i izdržavanja štićenika u JU Dom porodica Zenica broj:11-538-58/98 od 19.06.1998. godine;
2. Sporazum o načinu plaćanja troškova privremenog smještaja korisnika u Prihvatište za samohrane, nezaposlene trudnice i samohrane nezaposlene majke sa djetetom do 12 mjeseci starosti sa područja Zeničko-dobojskog kantona broj:09-14-1112-1/15 od 27.01.2015. godine.

UGOVORNE STRANE:

Zeničko-dobojski
kanton

Grad Zenica

ministar Nurđehan Šahinović

gradonačelnik, Husejin Smajlović

Broj: _____

Broj: _____

JU Dom porodica

Direktor Branko Dilber

Broj: _____